

『元興寺伽藍縁起并流記資財帳』所収「露盤銘」

難波天皇之世辛亥正月五日、授塔露盤銘、

大和国天皇斯歸斯麻宮治天下名阿未久尔意斯波羅岐比里尔波彌己等之世奉仕巷宜名伊那米大臣時、百濟国正明王上啓云、万法之中仏法最上也、是以天皇并大臣、聞食之宣、善哉、則受仏法造立倭国、然天皇大臣等、受報之業尽、

故天皇之女、佐久羅韋等由良宮治天下名等己弥居加斯支夜比弥乃弥己等世、及甥名有麻移刀等己刀弥々乃弥己等時、奉仕巷宜名有相明了大臣爲領、及諸臣等、讚云、魏々乎、善哉々々、造立仏法文天皇父大臣也、即発菩提心、誓願十方諸仏、化度衆生、国家大平、敬造立塔廟、縁此福力、天皇大臣及諸臣等過去七世父母、広及六道四生衆生、々々処々、十方浄土、普因此願、皆成仏果、以爲子孫、世々不忘、莫絶綱紀、名建通寺、

戊申、始請百濟寺名昌王法師及諸仏等、故遣上釈令照律師、惠聰法師、鏤盤師将徳自味淳、寺師丈羅未大、**文賈古子**、瓦師麻那文奴、陽貴文、布陵貴、昔麻帝弥、令作奉者、山東漢大費宜名麻高垢鬼、名意等加斯費宜也、書人百加博士、陽古博士、丙辰年十一月既、尔時使作金人等、意奴弥首名辰星也 阿沙都麻昔名未沙乃也、鞍部首名加羅尔也、山西首名都鬼也、以四部首爲将 諸手使作奉也、